

## DOOT 'T VEUR ÓS - TON CUSTERS

Gein plaats 't is te vol, det is waat ich sjteeds dökker heur  
 gekeke waard den meital nao de taal en nao de kleur  
 Half lachend zeen ich luuj die haole den häör sjouwers op  
 zie vulle zelf die sjpreuke aan mit 'n pas geheurde mop

(a) En es se dao den get van zaes den kieke ze dich aan  
 es of se water branje zuus, man trèk 't dich neet aan.  
 Den vraog ich mich soms aaf, nou haet 't eigelik waal zin  
 es ich dao veur de tichste keer opnuuj euver begin.

(b) Doot 't veur ós, doot 't veur ós  
 zorg det d'r later alle kleure vanne raegebaog nag zin  
 Doot 't veur ós, doot 't veur ós  
 laot nemes sjtaon in waer en windj det is de wins van eder kindj  
 Doot 't veur ós, doot 't veur ós  
 groot en klein van alle kleure make noe 'n good begin  
 noe gaef elkaar de handj, blief neet aanne kantj  
 en dans in alle kleure door 't landj.

Ich zeen soms beelde wo ich eedre keer opnuuj van sjrik  
 en wo ich ouch altied nag weer sjnachs van wakker lik  
 Beelde die gebeure ómdet nemes zag haaj op  
 beelde die begóste mit 'n pas geheurde mop. (a) (b)